

An Bhruiséil, 2 Nollaig 2025
(OR. en)

14646/25
PV CONS 56
AGRI 544
PECHE 363
PARLNAT

DRÉACHT-MHIONTUAIRISCÍ
COMHAIRLE AN AONTAIS EORPAIGH
(**Talmhaíocht agus Iascach**)
27 agus 28 Deireadh Fómhair 2025

CRUINNÍÚ DÉ LUAIN, AN 27 DEIREADH FÓMHAIR 2025

1. An clár oibre a ghlacadh

Ghlac an Chomhairle an clár oibre a leagtar amach in 14162/25 agus cuireadh mír ‘aon ghnó eile’ isteach, arna iarraidh sin don Ghearmáin, maidir le ‘Fliú Éanáil Ardphataigineach’ (FÉAP) (mír nua 7(i)). Chomhaontaigh an Chomhairle freisin an mhír bhreise sin a phlé ag seisiún poiblí de réir Airteagal 8(2) de Rialacha Nós Imeachta na Comhairle.


2. Formheas na míreanna ‘A’

(a) **Liosta neamhrechtach** 14327/25

Ghlac an Chomhairle gach mír ‘A’ a liostaítear sa doiciméad thuas, lena n-áirítear gach doiciméad teanga COR agus REV a tiolacadh lena nglacadh.


(b) **Liosta reachtach (Plé poiblí i gcomhréir le hAirteagal 16(8) den Chonradh ar an Aontas Eorpach)** 14328/25

An Margadh Inmheánach agus an Tionsclaíocht

1. **Rialachán maidir le ceadúnú éigeantach le haghaidh bainistiú géarchéime agus lena leasaítear Rialachán (CE) 816/2006**  13635/25
Seasamh na Comhairle ar an gcéad léamh agus an ráiteas faoi chúiseanna na Comhairle a ghlacadh a d'fhormheas Coreper, Cuid 1, an 22.10.2025 10498/2/25 REV 2
+ ADD 1
PI

Ghlac an Chomhairle a seasamh ar an gcéad léamh, i gcomhréir le hAirteagal 294(5) den Chonradh ar Fheidhmiú an Aontais Eorpaigh, agus an ráiteas ar chúiseanna na Comhairle (bunús dlí: Airteagail 114 agus 207 CFAE).


Fostaíocht agus Beartas Sóisialta

2. **Athbhreithniú ar an Treoir maidir le Comhairlí Oibreacha Eorpacha**  13637/25 + ADD 1
Eorpacha PE-CONS 20/25
Glacadh an ghnímh reachtaigh SOC
a d'fhorpheas Coreper, Cuid 1, an 22.10.2025


D'fhorpheas an Chomhairle an seasamh ó Pharlaimint na hEorpa ar an gcéad léamh agus glacadh an gníomh beartaithe de bhun Airteagal 294(4) den Chonradh ar Fheidhmiú an Aontais Eorpaigh, agus an Laitvia ag staonadh ón vótáil (bunús dlí: Airteagal 153(2), pointe (b), i gcomhar le hAirteagal 153(1), pointe (e) CFAE).

Leagtar amach ráiteas a ghabhann leis an mír seo san Iarscríbhinn.

Iompar

3. **Treoir lena leasaítear Treoir 1999/62/CE maidir le díolúintí ó dholáí Eoraifnéid le haghaidh feithiclí tromshaothair astaíochtaí nialasacha**  13634/25
astaíochtaí nialasacha PE-CONS 37/25
Glacadh an ghnímh reachtaigh TRANS
a d'fhorpheas Coreper, Cuid 1, an 22.10.2025


D'fhorpheas an Chomhairle an seasamh ó Pharlaimint na hEorpa ar an gcéad léamh agus glacadh an gníomh beartaithe de bhun Airteagal 294(4) den Chonradh ar Fheidhmiú an Aontais Eorpaigh (bunús dlí: Airteagal 91(1) CFAE).

4. **Treoir maidir le seirbhísí faisnéise tráchta abhann (RIS)**  13966/25
(RIS) PE-CONS 32/25
Glacadh an ghnímh reachtaigh TRANS
a d'fhorpheas Coreper, Cuid 1, an 22.10.2025

D'fhorpheas an Chomhairle an seasamh ó Pharlaimint na hEorpa ar an gcéad léamh agus glacadh an gníomh beartaithe de bhun Airteagal 294(4) den Chonradh ar Fheidhmiú an Aontais Eorpaigh (bunús dlí: Airteagal 91(1) CFAE).

Gníomhaíochtaí neamh-reachtacha

IASCACH

3. **Rialachán ón gComhairle lena socraítear le haghaidh 2026 na deiseanna iascaireachta is infheidhme i Muir Bhailt** (*) 13737/25
(Bunús dlí a mhol an Coimisiún: Airt. 43(3) CFAE) 12253/25 + ADD 1
Comhaontú polaitiúil

Tháinig an Chomhairle ar chomhaontú polaitiúil maidir leis an Rialachán lena socraítear na deiseanna iascaireachta le haghaidh stoic éisc áirithe agus grúpaí stoc éisc is infheidhme i Muir Bhailt le haghaidh 2026.


Leagtar amach na ráitis a ghabhann leis an mír seo san Iarscríbhinn.

4. Cruinniú bliantúil ICCAT (Sevilla, an Spáinn, 13941/25
an 17-24 Samhain 2025) *Seisiún tuairimíochta*

Plé reachtach

(Plé poiblí i gcomhréir le hAirteagal 16(8) den Chonradh ar an Aontas Eorpach)

TALMHAÍOCHT

5. **Tograí maidir le CBT tar éis 2027: an ailtireacht ghlas**  13342/25
Díospóireacht bheartais

Bhí díospóireacht bheartais ag an gComhairle. Thug an Chomhairle dá haire freisin an fhaisnéis ón Ostair thar ceann 17 mBallstát.

Gníomhaíochtaí neamh-reachtacha


TALMHAÍOCHT

6. Staid an mhargaidh go háirithe tar éis an ionraidh ar an Úcráin¹ 14152/25
Faisnéis ón gCoimisiún agus ó na Ballstáit
Malartú tuairimí

¹ I láthair an Leas-Phríomh-Aire um Lánpháirtiú Eorpach agus Eora-Atlantach - Ionadaí Trádála na hÚcráine.

Aon ghnó eile

7. Iascach

- (a) **Iarraidh ar an Aontas gníomh práinneach a dhéanamh chun stoic pheiligeacha an Atlantaigh Thoir Thuaidh a shábháil**  14291/25
Faisnéis ó Éirinn, le tacaíocht ón mBeilg, ón bhFrainc, ón Ísiltír, ón bPolainn, ón Spáinn agus ón tSualainn²


Thug an Chomhairle dá haire an fhaisnéis a chuir Éire ar fáil maidir leis an iarraidh ar ghníomhaíocht phráinneach ón Aontas chun stoic pheiligeacha an Atlantaigh Thoir Thuaidh a shábháil. Thug sí dá haire freisin na barúlacha a thug na toscaireachtaí agus an Coimisinéir.

An Talmhaíocht

- (b) **Tograí reachtacha reatha (Plé poiblí i gcomhréir le hAirteagal 16(8) den Chonradh ar an Aontas Eorpach)**

Ráiteas Comhpháirteach ó 17 dtoscaireacht maidir le struchtúr CBT tar éis 2027   14284/25
Faisnéis ón Ostair

Pléadh mír 7(b) agus mír 5 le chéile.

- (c) **Straitéis maidir le hathnuachan ó ghlúin go glúin sa talmhaíocht**  14410/25
Faisnéis ón gCoimisiún

Thug an Chomhairle dá haire an fhaisnéis a chuir an Coimisiún ar fáil. Thug an Chomhairle dá haire freisin a raibh le rá ag na toscaireachtaí.

- (d) **Dearbhú Comhpháirteach MED9 maidir le hAthléimneacht Talmhaíochta a Thógáil i Réigiún na Meánmhara**  14435/25
Faisnéis ón tSlóivéin

Thug an Chomhairle dá haire an fhaisnéis a chuir an tSlóivéin ar fáil. Thug an Chomhairle dá haire freisin a raibh le rá ag na toscaireachtaí.

² D'iarr an Bheilg, an Fhrainc, an Ísiltír agus an tSualainn go ndéanfaí a dtacaíocht a nótaíl sna miontuairiscí.

- (e) **Litir chomhphárteach ó Airí Talmhaíochta na hUngáire, na Rómáine agus Phoblacht na Slóvaice maidir le bearta coimirce éifeachtúla le haghaidh comhaontuithe trádála an Aontais** 14289/25
Faisnéis ón Ungáir, thar ceann na hUngáire, na Rómáine agus na Slóvaice

Thug an Chomhairle dá haire an fhaisnéis a chuir an Ungáir ar fáil maidir leis an “Litir Chomhphárteach ó Airí Talmhaíochta na hUngáire, na Rómáine agus na Slóvaice maidir le bearta coimirce éifeachtúla do chomhaontuithe trádála an Aontais”.

Thug an Chomhairle dá haire freisin na tuairimí ó na toscaireachtaí agus ón gCoimisiún.

- (f) **Tuarascáil bhliantúil 2025 ar an dul chun cinn maidir le simpliú, cur chun feidhme agus forfheidhmiú (an aeráid)** 14033/25
Faisnéis ón gCoimisiún

Thug an Chomhairle dá haire an fhaisnéis a chuir an Coimisiún ar fáil i ndáil le tuarascáil 2025 uaithi ar dhul chun cinn maidir le simpliú, cur chun feidhme agus forfheidhmiú i réimsí beartais na talmhaíochta, na forbartha tuaithe agus an bhia. Thug an Chomhairle dá haire freisin a raibh le rá ag na toscaireachtaí.

Iascach

- (g) **Tuarascáil bhliantúil 2025 ar an dul chun cinn maidir le simpliú, cur chun feidhme agus forfheidhmiú (Iascach)** 14087/25
Faisnéis ón gCoimisiún

Thug an Chomhairle dá haire an fhaisnéis a chuir an Coimisiún ar fáil i ndáil le tuarascáil bhliantúil 2025 ar dhul chun cinn maidir le simpliú, cur chun feidhme agus forfheidhmiú (Iascach). Thug an Chomhairle dá haire freisin a raibh le rá ag na toscaireachtaí.

An Talmhaíocht

- (h) **Gníomhaíochtaí atá ag teastáil láithreach: aghaidh a thabhairt ar na dúshláin le cur chun feidhme RAEDF** ☐ 14147/25
Faisnéis ón Laitvia, agus tacaíocht aici ón mBulgáir, ón tSeicia, ón Eastóin agus ón bPolainn

Thug an Chomhairle dá haire an fhaisnéis a chuir an Laitvia ar fáil, le tacaíocht ón mBulgáir, ón tSeicia, ón Eastóin, agus ón bPolainn, agus barúlacha na dtoscaireachtaí.

- (i) **Fliú Éanúil Ardphataigineach (FÉAP)** ☐ 14539/25
Faisnéis ón nGearmáin

Thug an Chomhairle dá haire freisin an fhaisnéis a chuir an Ghearmáin ar fáil agus barúlacha na dtoscaireachtaí.

Gníomhaíochtaí neamh-reachtacha

IASCACH

3. **(ar lean) Rialachán ón gComhairle lena socraítear na deiseanna iascaireachta is infheidhme i Muir Bhailt le haghaidh 2026**
(Bunús dlí a mhol an Coimisiún: Airt. 43(3) CFAE)
Comhaontú polaitiúil

☐(*) 13737/25
12253/25 + ADD 1

Féach leathanach 3.

-
- ❶ An chéad léamh
- ☐ Mír atá bunaithe ar thogra ón gCoimisiún
- (*) Mír ar féidir vótáil a iarraidh ina leith

Ráitis a ghabhann leis na míreanna neamhrechtacha 'A' a leagtar amach in 14328/25

Maidir le mír 2 ar liosta na míreanna 'A':

Athbhreithniú ar an Treoir maidir le Comhairlí Oibreacha Eorpacha
Glacadh an ghnímh reachtaigh

RÁITEAS ÓN SPÁINN

‘Is díol sásaimh don Spáinn gur glacadh an t-athbhreithniú ar an Treoir maidir leis na Comhairlí Oibreacha Eorpacha, ar an gcéad dul síos mar go dtugtar tús áite don daonlathas ag an obair inár dtír, agus ar an dara dul síos, go raibh sé thar am athbhreithniú a dhéanamh ar an Treoir.

Ní ceartas sóisialta amháin atá i gceist le cearta faisnéise agus comhairliúcháin a threisiú i ngnóthais thrasnáisiúnta, ach is colún riachtanach é an méid sin d’Eoraip níos comhtháite, níos cuimsithí agus níos cothroime.

Mar sin féin, is oth linn nach bhfuil an uailmhian a bhí ann ó thús ag baint a thuilleadh le cuid de na príomhghnéithe den chomhaontú a cuireadh os ár gcomhair inniu. Ba mhian linn go léireofaí tiomantas níos láidre i dtaca le saincheisteanna bunúsacha, ar nós sainmhíniú níos leithne ar an gcoincheap ‘ceist trasnáisiúnta’, atá ríthábhachtach i dtaca le feidhmiú éifeachtach na gceart faisnéise agus comhairliúcháin, le fíorbhearta réamhchúraim, le ról níos fearr d’ionadaithe ceardchumann agus le fíorchothromaíocht inscne sna comhairlí.

In ainneoin na srianta sin, aithnímid go dtugtar céim mhór chun tosaigh i roinnt réimsí leis an téacs seo agus gur féidir, leis sin, cuid de na heasnaimh atá sa chreat reatha a leigheas.

Leanfaidh an Spáinn den obair chun go mbeidh cearta na n-oibrithe san Eoraip inbhraite agus ráthaithe go hiomlán.’

RÁITIS A GHABHANN LEIS NA MÍREANNA NEAMHREACHTACHA ‘A’ A LEAGTAR

AMACH IN 14162/25

Maidir le mír 3 ar liosta na míreanna ‘B’: **Rialachán ón gComhairle lena socraítear le haghaidh 2026 na deiseanna iascaireachta is infheidhme i Muir Bhailt**
(Bunús dlí a mhol an Coimisiún: Airt. 43(3) CFAE)
Comhaontú polaitiúil

RÁITEAS COMHPHÁIRTEACH ÓN DANMHAIRG, ÓN EASTÓIN, ÓN bhFIONLAINN, ÓN nGEARMÁIN, ÓN LAITVIA, ÓN LIOTUÁIN, ÓN bPOLAINN AGUS ÓN tSUALAINN maidir le hAirteagal 15(9) den Bhunrialachán a chur i bhfeidhm a mhéid a bhaineann le trosc Mhuir Bhailt Thoir agus Mhuir Bhailt Thiar in 2026

Ós rud é go bhfuil bithmhais na stoc trosc ó Muir Bhailt Thoir agus ó Mhuir Bhailt Thiar faoi bhun B_{lim}, agus chun téarnamh an stoic a áirithiú i gcomhréir le Rialachán (AE) 2016/1139, geallann an Danmhairg, an Ghearmáin, an Eastóin, an Laitvia, an Liotuáin, an Pholainn, an Fhionlainn agus an tSualainn nach mbainfidh siad leas as solúbthacht idirbhliantúil faoi Airteagal 15(9) de Rialachán (AE) Uimh. 1380/2013 maidir leis na stoic sin in 2026. Is freagairt é an gealltanais sin ar na himthosca eisceachtúla atá ann faoi láthair maidir le stoic trosc ó Muir Bhailt Thoir agus ó Mhuir Bhailt Thiar.’

RÁITEAS COMHPHÁIRTEACH ÓN DANMHAIRG< ÓN bhFIONLAINN, ÓN nGEARMÁIN, ÓN bPOLAINN, AGUS ÓN tSUALAINN maidir le hAirteagal 15(9) den Bhunrialachán a chur i bhfeidhm a mhéid a bhaineann le scadán Mhuir Bhailt Thiar in 2026
Ós rud é go bhfuil bithmhais an stoic scadán i Muir Bhailt Thiar faoi bhun B_{lim}, agus chun téarnamh an stoic a áirithiú i gcomhréir le Rialachán (AE) 2016/1139, geallann an Danmhairg, an Fhionlainn, an Ghearmáin, an Pholainn, agus an tSualainn nach mbainfidh siad leas as solúbthacht idirbhliantúil faoi Airteagal 15(9) de Rialachán (AE) Uimh. 1380/2013 maidir leis an stoc sin in 2026. Is freagairt é an gealltanais sin ar na himthosca eisceachtúla atá ann faoi láthair maidir le stoic scadán i Muir Bhailt Thiar.’

RÁITEAS COMHPHÁIRTEACH ÓN DANMHAIRG, ÓN EASTÓIN, ÓN bhFIONLAINN, ÓN nGEARMÁIN, ÓN LAITVIA, ÓN LIOTUÁIN, ÓN bPOLAINN AGUS ÓN tSUALAINN maidir le hAirteagal 15(9) sa Bhunrialachán a chur i bhfeidhm a mhéid a bhaineann le bradán sa phríomh- imchuach in 2026

‘Ós rud é go bhfuil nach mór gach stoc bradán fiáin in aibhneacha i bhforanna 22-29S ICES go maith faoi bhun R_{lim}, agus chun téarnamh na stoc a áirithiú, geallfaidh an Danmhairg, an Eastóin, an Ghearmáin, an Laitvia, an Liotuáin, agus an Pholainn nach mbainfidh siad leas as an tsolúbthacht idirbhliantúil faoi Airteagal 15(9) de Rialachán (AE) Uimh. 1380/2013 maidir leis na stoic sin in 2026. Is freagairt é an gealltanais sin ar na himthosca eisceachtúla atá ann faoi láthair maidir le stoic bradán fiáin in aibhneacha ó dheas go domhanleithead 59 °30’N.

I bhfianaise a theoranta atá imirce na mbradán sna móraibhneacha bradán i Murascaill na Boitnia in 2023 agus 2024, agus chun téarnamh níos tapúla na stoc bradán a áirithiú agus a chur chun cinn, geallann an Fhionlainn nach mbainfidh sí leas as an tsolúbthacht idirbhliantúil faoi Airteagal 15(9) de Rialachán (AE) Uimh. 1380/2013 maidir le cuóta na mbradán sa phríomh-imchuach in 2026. Geallann an tSualainn teorainn a chur leis an leas a bhainfidh sí as an tsolúbthacht idirbhliantúil faoi Airteagal 15(9) de Rialachán (AE) Uimh. 1380/2013 chun críoch foghabhála agus gabhálacha dosheachanta amháin. Is freagairt iad na gealltanais sin ar fhorbairt na stoc bradán fiáin in aibhneacha, ar ábhar imní é, i bhforanna 30-31 ICES.’

RÁITEAS COMHPHÁIRTEACH ÓN DANMHAIRG, ÓN EASTÓIN, ÓN bhFIONLAINN, ÓN nGEARMÁIN, ÓN LAITVIA, ÓN LIOTUÁIN, ÓN bPOLAINN AGUS ÓN tSUALAINN maidir le malartuithe cuótaí do throsca Mhuir Bhailt Thoir agus Mhuir Bhailt Thiar

‘De mheon na dlúthpháirtíochta, Ballstát nach bhfuil iomlán a chuóta foghabhála do throsca Mhuir Bhailt Thoir nó Mhuir Bhailt Thiar ag teastáil uaidh, féachfaidh sé le teacht ar chomhaontú maidir le malartuithe cuótaí le Ballstát ar féidir leis a léiriú go mbeidh air dul i ngleic le tachtadh iascaigh mar gheall ar na cuótaí teoranta atá aige do throsca Mhuir Bhailt Thoir agus Mhuir Bhailt Thiar.’

RÁITEAS COMHPHÁIRTEACH ÓN DANMHAIRG ÓN nGEARMÁIN, ÓN EASTÓIN, ÓN LIOTUÁIN AGUS ÓN bPOLAINN maidir le haistrithe cuótaí na mbradán sa phríomh- imchuach

‘De mheon na dlúthpháirtíochta agus ag aithint na n-iarrachtaí caomhnaithe atá déanta ag an bhFionlainn agus ag an tSualainn, as ar eascair stoic shláintiúla ina n-uisce féin, féachfaidh Ballstát nach bhfuil in ann a chuóta iomlán a úsáid do bhradán sa phríomh- imchuach ar an gcuid sin den chuóta nár úsáideadh nó nach féidir a úsáid a aistriú go dtí an Fhionlainn agus/nó an tSualainn.’

RÁITEAS COMHPHÁIRTEACH ÓN DANMHAIRG, ÓN nGEARMÁIN, AGUS ÓN ÍSILTÍR maidir le cur i bhfeidhm Airteagal 15(9) den Bhunrialachán a chur i bhfeidhm a mhéid a bhaineann leis an trosc Ioruach sa Mhuir Thuaidh i séasúr iascaireachta 2026

‘Ós rud é go dtuarann ICES go bhfuil bithmhais an troisc Ioruach sa Mhuir Thuaidh (NOP/2A3A4.) faoi bhun na teorann Blim agus ós rud é nach molann ICES aon ghabháil le haghaidh shéasúr iascaireachta 2026 (an 1 Samhain 2025 go dtí an 31 Deireadh Fómhair 2026), agus chun téarnamh an stoic a áirithiú, geallann an Danmhairg, an Ghearmáin agus an Ísiltír nach mbainfidh siad leas as an tsolúbthacht idirbhliantúil faoi Airteagal 15(9) de Rialachán (AE) Uimh. 1380/2013 maidir leis an stoc sin i séasúr iascaireachta 2026. Is freagairt é an gealltanais sin ar na himthosca eisceachtúla atá ann faoi láthair don stoc sin.’

RÁITEAS COMHPHÁIRTEACH ÓN gCOIMISIÚN AGUS ÓN nGEARMÁIN maidir leis an rogha tacú le scor sealadach de ghníomhaíochtaí iascaireachta faoin gCiste Eorpach Muirí, Iascaigh agus Dobharshaothraithe (CEMID)

‘De réir Airteagal 5(3), pointe (a) de Rialachán (AE) 2016/1139 ó Pharlaimint na hEorpa agus ón gComhairle an 6 Iúil 2016 lena mbunaítear plean ilbhliantúil do na stoic troisc, scadáin agus saláin i Muir Bhailt agus don iascach a shaothraíonn na stoic sin, d’fhéadfaí bearta éigeandála arna nglacadh ag na Ballstáit de bhun Airteagal 13 de Rialachán (AE) Uimh. 1380/2013 ó Pharlaimint na hEorpa agus ón gComhairle an 11 Nollaig 2013 maidir leis an gcomhbheartas iascaigh a áireamh sna bearta leighis chun críoch Airteagal 5 den Rialachán sin, ar choinníoll go gcomhlíontar coinníollacha áirithe.

I bhfianaise mheasúnú na Comhairle Idirnáisiúnta um Thaiscéalaíocht na Mara (ICES) ar an trosc agus ar an scadán i bhforanna 22-24, measann an Ghearmáin, dá bhrí sin, gur gá bearta éigeandála a ghlacadh de bhun Airteagal 13(1) de Rialachán (AE) Uimh. 1380/2013. Is é atá sna bearta éigeandála i bhforanna 22-24 do shoithí iascaireachta Gearmánacha tréimhse choiscthe 30 lá a thabhairt isteach chun trosc a chosaint sa bhreis ar an gcosc le linn séasúr sceite trosc a leagtar síos in Airteagal 7(3) den Rialachán lena socraítear do 2026 na deiseanna iascaireachta le haghaidh stoic éisc áirithe agus grúpaí stoc éisc is infheidhme i Muir Bhailt nach mbeidh feidhm ag an díolúine atá in Airteagal 7 (4)(b) lena linn, agus teorainn bhreise 30 lá a chur le hiascach scadán ar lena linn a chuirtear isteach ar an díolúine d’iascach cósta áirithe ar mionscála agus iascach foghabhálacha scadán ón toirmeasc díriú ar scadán an iarthair.

Tá an Coimisiún agus an Ghearmáin ar aon fhocal go bhfuil an beart éigeandála sin incháilithe do chistiú faoi Rialachán (AE) 2021/1139 ó Pharlaimint na hEorpa agus ón gComhairle an 7 Iúil 2021 lena mbunaítear an Ciste Eorpach Muirí, Iascaigh agus Dobharshaothraithe agus lena leasaítear Rialachán (AE) 2017/1004 ar choinníoll go bhfuil sé i gcomhréir leis na coinníollacha a leagtar amach in Airteagal 21(2)(c) den Rialachán sin.’

**RÁITEAS COMHPHÁIRTEACH ÓN gCOIMISIÚN, AGUS ÓN DANMHAIRG
ÓN nGEARMÁIN, ÓN EASTÓIN, ÓN LAITVIA, ÓN LIOTUÁIN, ÓN bPOLAINN,
ÓN bhFIONLAINN agus ÓN tSUALAINN maidir leis an ngéarghá atá le hiascaigh a atógáil i
Muir Bhailt**

‘Ós feasach dóibh a thábhachtaí atá sé tús a chur go práinneach leis an gconair athbhunaithe do na hiascaigh i Muir Bhailt, comhaontaíonn an Coimisiún, agus an Danmhairg, an Ghearmáin, an Eastóin, an Laitvia, an Liotuáin, an Pholainn, an Fhionlainn agus an tSualainn gur gá a iarraidh ar an gComhairle Idirnáisiúnta um Thaiscéalaíocht na Mara (ICES) foráil a dhéanamh ina cásanna comhairle bliantúla stocshonracha maidir le gabhálacha chun na stoic éisc lena mbaineann a athbhunú go dtí na leibhéil bhithmhaise is gá laistigh de thráthchláir éagsúla. Leis an gcomhairle sin, ba cheart saintréithe bitheolaíoch na stoc a chur san áireamh agus leibhéil ghabhála éagsúla a léiriú don chéim athbhunaithe faoi seach.’

**RÁITEAS COMHPHÁIRTEACH ÓN gCOMHAIRLE ÓN gCOIMISIÚN AGUS
ÓN bhFIONLAINN maidir le scadáin na Boitnia**

‘Leagann an Fhionlainn béim ar an inní atá uirthi faoi staid scadáin na Boitnia. Athdhearbhaíonn an Fhionlainn a gealltanais leanúint d’fheabhas breise a chur ar bhailiú sonraí maidir le scadáin na Boitnia d’fhonn na sonraí is déanaí a chur ar fáil do ICES. I gcomhthráth leis sin, iarraidh an Coimisiún ar ICES a chomhairle le haghaidh 2026 maidir leis an stoc sin a thabhairt cothrom le dáta bunaithe ar na sonraí is déanaí a chuir an Fhionlainn isteach. A luaithe a thabharfaidh ICES freagra ar an iarraidh sin, breithneoidh an Coimisiún togra a thíolacadh — a luaithe is féidir — chun an TAC a socraíodh le haghaidh 2026 a leasú i gcomhréir leis an gcomhairle nuashonraithe ó ICES.’

**RÁITEAS COMHPHÁIRTEACH ÓN bhFIONLAINN, ÓN EASTÓIN, ÓN tSUALAINN,
ÓN bPOLAINN, ÓN LIOTUÁIN agus ón LAITVIA maidir le broighill agus róna**

‘Tathantaímid ar an gCoimisiún, gan mhoill, teacht ar réitigh chun bainistiú níos fearr a dhéanamh ar bhroighill mhóra agus róna, chun a dtionchar ar stoic éisc a chur san áireamh agus chun cothromaíocht an éiceachórais a áirithiú.’

RÁITEAS ÓN gCOIMISIÚN maidir leis an gcomhaontú polaitiúil ar tháinig an Chomhairle air

Tugann an Coimisiún dá aire an comhaontú polaitiúil ar tháinig an Chomhairle air maidir leis na deiseanna iascaireachta le haghaidh 2026 i Muir Bhailt. Is ábhar inní don Choimisiún é gur lú an seans go rannchuideoidh na gnéithe seo a leanas den chomhaontú sin le hathbhunú na n-iascach a bhraitheann ar athbhunú stoc áirithe dá ngníomhaíochtaí eacnamaíocha ná go rannchuideoidh an togra ón gCoimisiún léi: (1) gur cheart na gabhálacha iomlána incheadaithe (TACanna) le haghaidh scadáin na Boitnia, scadáin Mhuir Bhailt Láir agus scadáin Mhuir Bhailt Thiar a bheith socraithe ar leibhéal lena n-áirithítear gur lú ná 5 % an dóchúlacht go dtitfidh na stoic faoi bhun an B_{lim} nó go bhfanfaidh siad faoi bhun an B_{lim} in 2027; agus (2) nár cheart gurbh ann d'aon iascach spriodhírthe, bíodh sé ina iascach tráchtála nó ina iascach áineasa, ar scadáin Mhuir Bhailt Thiar ná ar bhradáin sa phríomh-imchuach (ach amháin nuair a cheadaítear agus mar a gceadaítear iascach tráchtála spriodhírthe) a molann an Chomhairle Idirnáisiúnta um Thaiscéalaíocht na Mara deireadh a chur leis an iascaireacht uile orthu.'

RÁITEAS ÓN tSUALAINN maidir le comhairle ICES agus bainistiú iascaigh bunaithe ar éiceachórais

'Athdhearbhaíonn an tSualainn a tiomantas do bheartas iascaigh ar bhonn eolaíochta. 'Tathantaíonn an tSualainn ar an gCoimisiún cur chuige iomlánaíoch a áirithiú sna hiarrataí uaidh a chuirtear faoi bhráid ICES, sa chaoi is go léirítear méid agus struchtúir phobail freisin sa chomhairle eolaíoch a chuireann ICES ar fáil maidir le deiseanna iascaireachta agus go n-áirítear freisin sa chomhairle ó ICES, chomh maith le paraiméadair iascaigh a bheith ann, réaltachtaí casta na n-éiceachóras muirí, lena n-áirítear na héifeachtaí atá ag gníomhaíochtaí an duine, básmhaireacht nádúrtha ó chreachadóirí, agus dinimic éiceachórais níos leithne.'

RÁITEAS ÓN EASTÓIN maidir le deiseanna iascaireachta a shocrú do 2026

'Is cúis mhór inní dúinn an próiseas maidir le TACanna agus cuótaí Mhuir Bhailt a shocrú ag cruinniú na Comhairle Talmhaíochta agus Iascaigh i mí Dheireadh Fómhair 2025. Níor lean socrú na TACanna agus na gcuótaí raonta na comhairle eolaíche is fearr a bhí ar fáil. Tá sé ríthábhachtach go socrófaí na TACanna de réir raonta a shocraítear i bPlean Ilbhliantúil Mhuir Bhailt nuair a bhíonn na stoic os cionn B_{lim} . Ina theannta sin, tá an díospóid maidir le hAirteagal 4(6) fós gan réiteach agus ní mór aghaidh a thabhairt uirthi go práinneach. Ba é ba chúis leis na pleananna ilbhliantúla an tsuibhachtúlacht i ndíospóireachtaí sa Chomhairle maidir le na deiseanna iascaireachta a laghdú. Ar an drochuair, níl a chúram déanta ag an bplean ilbhliantúil do Mhuir Bhailt. Cruthóidh maoluithe treallacha ó raonta F fasach contúirteach don phlé a dhéanfar amach anseo maidir le cuótaí arna mbainistiú ag an Aontas.'